

# kontuola...

**KONTUOLA**, Idolaz elkarte, **ANTZUOLA**. **Kazetaria:** Marijo Deogracias **Maketazioa:** Iñaki Iturbe **Publizitatea:** Kristina Romero **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

*Antzuolako hamabostekaria, 23 zenbakia. 1998ko urriaren 9a.*

## Lantegiek ez dute handitzeko aukerarik herrian

### Zoru industrialik eza, etorkizunean arazo larria izan daiteke

**Azkenengo urte honetan enpresen arduradunak, auzokideak, merkataritxikiak, tabernariak, kirol eta kultura taldeak, ekologistak eta beste talde batzuk bildu izan dira Udaletxean herriaren egoerari buruz berba egin eta etorkizunaren inguruan eztabaidatzeko. Bilera horiek Antzuolako Udalak antolatu zituen arren, Arrasateko LKS Ingenieria enpresako teknikariek zuzendu dituzte. Bileren helburua Udala berrigite ari den Antzuolako Udal Planeamenduko Arau Subsidiarioak ahal den egokien burutzea litzateke.**

**B**ileren ostean LKSko teknikariek txostena aurkeztu dute, Udaletxean bildutako iritziz eta ideia guztiekin, Udalak eztabaidatu eta herrian jakitera eman ditzan. Valen Moñuxek azaldu digunez, "laster izango da horretarako bilera eta txostenaren inguruan egingo dugu berba; hala ere, hau txosten bat baino ez da eta erabakiak oraindik aztertu egin beharko dira".

Bilera horietan hizpide izan den gaietako bat herriak duen arazorik larrienetakoaren (txostenaren arabera) inguruan izan da: zoru industrialak. LKSko teknikariek txostenean jaso dutenez "zoru industrialak, herriaren etorkizunerako arronkarik kritikoena izan daiteke. Oso lur gutxi dago eta egokitze lan handiak egin behar dira; ondorioz, lurra garestia irtengo litzateke". Dirudienez, bilera horietan bildu zirenen artean bi iritz nagu-

situ ziren. Batzuen ustez "Antzuolak oinarri ekonomiko barik erakargarritasun gutxi dauka; hori dela eta, enpresak herrian bertan garatu beharko lirateke". Beste batzuen iritziz, "lur gutxi dago eta zoru industrial gehiago lortzeko aukerak oso zailak dira; hori dela eta, herriak

bestelako erakargarritasun batzuk izan behar ditu eta etxebizitzaren eskaintza handitu".

Valen Moñux Udaletxeko aparejadorearen iritziz "argi dago leku gehiago bilatu behar dela baina aukera gutxi dago eta oso garestiak dira". →



*"Talleres Antzuola" k 30 bat urte daramatza Kalegoian.*

■ ■ ■  
*Lur gutxi dago eta zoru industrial gehiago lortzeko aukerak oso zailak dira*  
■ ■ ■

## Industrialdearen aukerak

Txostenean jasotzen denez, indarrean dauden Arau Subsidiarioek Zupideko inguru aurreikusten dute zonalde industrial bilakatzeko. Baina San Blas-Basalde ere aipatu izan da azken bolada honetan. Hala ere, dituen topografia arazoek eta Abiadura Handiko Trenaren ibilbideak beste leku batzuk aztertu beharra dakarte. Beraz, herrian gelditzen diren aukera bakarrak Goizper aldea, Matz-Erreka aldea eta Igeribar Behekoa baserriaren inguruak dira.

## Lur eskasiaren eraginak

Azken bolada honetan herriko hainbat enpresa txikiak duten leku eskasiaren arazoa zabaldu da herrian. Jakin dugunez bi dira arazo hori saihestu nahian lanean hasi direnak. Batetik "Talleres Antzuola" dugu eta bestetik, "Talleres Alzas". Bi enpresa hauek urteak daramatzate herrian lanean eta biek herriko beste enpresa handiago batzuekin lan egiten dute.

Eva Alzasekin berbetan izan gara bere anaiekin batera lantzen ari den ekimenaren inguruan. Evak kontatu digunez, oraingo tailerra handitzeko eskaera egin dute Udaletxean, etxe azpia txiki gelditu zaie eta. Hala ere, oraindik ez dute erantzunik jaso eta ezezkioa balitz, beste nonbaitera mugitu beharko liratekeela azaldu digu, lehen ere Bergaran aritu baitziren leku bila.

"Talleres Antzuola" k ere antzeko arazoa dauka. Juan Cruz Gezalagak esan digunez "leku barik gelditu gara. Geroz eta pieza gehiago egiten ditugu



"Electro Mecanica Alzas" izango da lantegi berria.

eta jadanik ez gara hemen sartzen. Gainera, garraiorako arazo handia daukagu hemen. Egunero zortzi bat kamioi etortzen dira eta ez dago lekuri maniobratzeko ez eta zamalanetarako ere. Askotan bidea ez mozteagatik kamioiak lantegitik urrun gelditu behar izaten dira eta geuk piezak karretilekin atera".

"Talleres Antzuola" n sei lagun dade lanean eta automozioa, nekazaritza eta elektrifikaziorako pasadoreak egiten dituzte. Produksioa Espainia osoan saltzen dute eta oraintsu Frantzia eta Portugalera ere esportatzen dute. Juan Cruzek azaldu digunez "joan den astean Ferroforma ferian izan ginen eta Argentina-ko enpresa batekin harremanetan jarri ginen eurentzat ere lan egiten hasteko". Gauzak horrela gerenteak argi dauka dauden lekuan ezin dutela jarraitu.

## Ekimen berriak

Eva Alzasek azaldu digunez, euren asmoa enpresa berri bat sortzea litzateke. "Orain arte makina industrialentzako motorrak konpondu ditugu, baina gure asmoa -eta jadanik hortan hasi garamotorrak egitea da. Hiru prototipo egin ditugu eta erosleak ere baditugu. Matz-Erreka eta Fabricante de Grupos Hidráulicos enpresentzat izan dira orain arte egin ditugun motor berriak, baina orain Madrileko beste enpresa batentzat proiektu berri bat egiten hasi gara. Horrez gain, korrante zuzeneko motore bat ere hasi gara lantzen".

Ekimen hauek duten arazorik larriena herrian dagoen zoru industrial eskasia da. Evak kontatu digunez, euren etxea eta tailerra zoru industrialean erakita daude eta "horrek nolabait aurrera egiteko aukera ematen digu, hala ere, arazoa larria da. Antzuola herriarentzat eta herrikoentzat lan egitera ohitu da, baina hemen ezin bada lantegi berririk ireki eta daudenak ezin badira hasi, kanpora joatera bultzatuko gaituzte, eta herriaren etorkizunari begira ez litzateke ona izango".


■ ■ ■  
*Antzuola herriarentzat eta herrikoentzat  
lan egitera ohitu da*  
■ ■ ■

KALEGOI 19 ☎ 943 76 64 07

*Tomas Gezalaga*

ANTZUOLA BERGARA

- Zoruen kutxilatua eta barnizaketa •



Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurreztea
- Bainugelak. Proiektuak momentuan egiten ditugu DIBaren bidez
- Birgaitze-espeditenteak bideratzen ditugu

# AEK Antzuolara iritsi da

**Bergarako Akulu AEK euskaltegiak ikasturte honetan Antzuolan euskarazko klaseak eskaintzea erabaki du. EGA eta gurasoei zuzendutako euskara eskolak emango lirateke. Kristina Pavo arduratuko da eskolak emateaz.**

## Nolatan AEK Antzuolan?

Orain dela bi urte ere bi guraso talde egon ziren eta aurten ere hori egin nahi dugu. Horrez gain, EGako klaseak ere eskainiko ditugu.

## Nolakoak izango dira gurasoei zuzendutako eskolak?

Euskaraz ez dakitenak euskalduntzea eta dakitenak alfabetatzea da helburua. Askotan gurasoek arazoak izaten dituzte euren seme-alabei eskolako lanetan laguntzeko. Ikastaroekin lan hori erraztu nahiko genuke, beste gauza batzuen artean.

## EGako klaseak norentzat dira?

Gaur egun EGA beharrezkoa da lan munduan sartzeko. Klaseak komenigarriak dira. Herrikoak kanpora joan behar dira eta herrian aukera hori eskaintzea aproposa dela uste dugu.

## Zein izango da ordutegia?

Momentuz ikasleak bildu eta eurei

egokien datorkien ordutegia aukeratu genuke. Ikasturte osoko ikastaroa litzateke.

## Non eman daiteke izena?

Urriaren 2an amaitu zen izena emateko epea, baina luzatzea erabaki dugu, jendea animatu dadin. Izena emateko Udaletxera jo daiteke, urriaren 16a baino lehen.



Kristina Pavo

## Intsumiso Eguna 98

Antzuolako intsumisoen taldeak Uurbilen ospatuko den Intsumiso egunera joateko deia egin du. Bosgarren urtez ospatzen den jaia urriaren 11n, domeka, izango da, baina zapatuan, Blues Torpes, Ekon, S.A. eta Latzen arituko dira.

Domekan, berriz, hainbat ekitaldi egongo da egun osoan zehar eta amaitzeko beste kontzertu handi bat: Anestesia, Alaiz eta Maider, Xuia Reagge Band, Habeas Corpus eta Xenreira.

## Ipuin kontaketa

Oihulari klown taldeak umeentzako ipuin kontaketa saioa eskainiko du zapatuan, urriak 10, herriko liburutegian. Emanaldia arratsaldeko 18:00etan izango da.

## Antzerkia jubilatuentzat

Herriko helduentzat antzerki saioa izango da datorren eguakitzean, urriak 16. Antzezlanazumaiar talde batek eskainiko du, zine aretoan, arratsaldeko 19:00etan.

## Argazki lehiaketa

Urriaren 17an, zapatuan, banatuko dira IV. Argazki Lehiaketako sariak, Udaletxean, eguerdiko 12:00etan. Ondoren aurkeztutako argazki guztiekin osatuko den erakusketa irekiko da.

## Gusturako ikastaroak

Udalak marrazkigintza, eskulanak (portzelanaren imitazioa eta eztainua lantzea), egur taila (zapatu goizetan) eta keramika ikastaroak antolatu ditu. Ikastaro bakoitzak 40 ordu izango ditu eta 3.000 PTA. kostako da. Izena emateko Udaletxera jo daiteke, urriaren 23a baino lehen.

## Behobia-Donostia

Behobia-Donostia lasterketara joateko autobusa ipini nahi da. Interesatuak izena eman urriaren 18a baino lehen, Larrea eta Surpe tabernetan.

## Gazte mailako futbol taldea martxan



Hauetxek izango dira 98-99 denboraldiko Juan Jose Botek entrenatzen duen gazte taldeko jokalariek. Lehenengo hiru partiduetan garaipena lortu ez duten arren, talde sendoa osatzen dute. Bihar, zapatua, 18:00etan Eibartarrak taldearen aurka jokatuko dute Unbeko futbol zelaietan.

LARREA

TABERNA

Kalebarren 17  
ANTZUOLA

EGAÑA

Era guztietako arotz lanak

Tarima eta parketa jartzea  
Zoruen kutxilatua eta barnizatuak

Kalegoi 21, ANTZUOLA Tf.: 943 76 64 23

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriarako pinturak
- Paper margotuak
- Mokatak eta tapizatuak

Jose M. Ugalde, Jubilatuen Elkarteko lehendakaria

# “Udaletxia aginduta dago zerbiziua ipiñiko doskula”

Abuztutik hona Jubilatuen Elkarteak ibili dira tabernako arduradun lanetan. Aurretik egon zen arduradunak lokala laga ondoren 15 egunez itxita egon zen eta orain, berriz, tabernari berrri baten bila dihardu Jubilatuen Elkar-teak. Jubilatuen tabernaren arduradunak Antzuolako Udalarekin sinatzen du kontratua, nahiz eta aukeratzekoan pisu haundiagoa izan Jubilatuen Elkarteko Juntaren iritzia. Udalak ez du inolako kanonik kobratzen baina tabernako mantenuko gastuak, altzariak, makinak eta tresnak, argia eta berogailuaren gastuak tabernariaren kargu dira.

marrak dien bati eta biri baiño gehixagori esan jeu baiña eztabe nahi.

**Jatetxea izatea oztopo da jenderik ez aurkezteko?**

Kezka pixka bat emon leixiko hartu bihar dabeneri, baiña beste aldetik dirua bihar da. Kanpoko jentia ezpadabil diru gutxi dago hor. Jubilauok prezio merkiaguak dittugu eta sartu bihar da bestelako jentia dirua emoteko eta jentia etortzeko modu bat da jatetxia egotia.

**Arduraduna aurkitzeko esperantza izango duzue, ezta?**

Oindio bateren bat badago eta kondiziñuak jakin eta kontratuaren zirriborua ikusi biharko dogu.

**Zer aukera dauka tabernak beste-la funtzionatzeko?**

Udaletxia aginduta dago zerbiziua ipiñiko doskula. Obligaziño bezela dauka hartuta, jubilatuen udalaren zerbiziua da eta. Aukeren artian, izen leike udaletxiak pertsona bat hartzia egunian ordu batzutan han egon dein, baiña udaletxiandako oso garestixa da eta guretako zerbiziua eskasa litzake.

**Zenbat denbora daramazu lehendakari?**

1990ian sartu nitzan eta harrezke-ro bi-hiru urtetan ipiñi dogu tabloian ia iñor presentatzen dan, baiña ezta iñor presentatzen.

■ ■ ■  
“Batzordeko zortzi lagunak ibilli gara tarteka tabernan”  
■ ■ ■



**Z**ela funtzionaten du jubilatuen tabernak?

Batzordeko zortzi lagunak ibilli gara tarteka tabernan. Udaletxiarekin geratu giñan atzenengo billeran, geuk zerbiziua emongo giñuala, abuztuaren erdittik aurrera, arratsaldetan zabaldu eta jubilauak egon deittien ordu bi eta erdietatik zazpi eta erdiak arte. Baiña esan giñuan ezin zeikiela betirako hola jarraitu eta epe bezela ipiñi giñuan iraila azkenera arte. Baiña hillan azkena aillegau da eta ezta iñor agertu.

**Zer dela eta ez da inor aurkezten?**

Tabernia da eta taberniak badakizu zer daukan... Zerbizio publikoko gauza honek hain atsegiñak ezte askondako behintzet. Eta langabezi kontu asko esaten da baiña hainbeste bihar eztao. Bestela bi agertu die baiña eren artian ezte arreglau eta atzera egin dabe. Herrikorik ezta iñor agertu. Geure iritziz egoki xa-



Jose Marik 8 urte daramatza Jubilatu Elkarteko lehendakari.

**GOROSTI**  
**Taberna**

☎ 943 76 62 96  
Zurrategi plaza ANTZUOLA

**LEKU-BERRI**  
**MERENDEROA**

Janariak eta edariak

Tf. 943 76 60 94

**igor eta Txomin**

Pintura orokorrean.  
Paper, tela, binilo, kortxo... estaldurak.  
Gotelesa, iztukuak eta  
bestelako imitazioak.

ANTZUOLA BERGARA  
☎ 943 76 60 39 ☎ 943 76 19 98

**ANTZUOLA**

Apaintetak eta  
isolamenduak  
Pladurrezko dibisioak

Kalegoi 21 ANTZUOLA  
Tf.: 943 72 30 05  
Biltegia: 943 78 70 40